

呂氏遺音序

呂氏遺音凡兩集說劍閣吟出殿前都指揮使龍帟上
將軍諱定沃州雁山集出節度推官諱聲之說劍故無
傳沃州雁山有宋刻而失傳亦久其諸孫思楸君侯携
至松因示不佞濬：校而鐫之木不佞初得君侯家微
君遺白二集讀之已嘖：文獻之盛幸復覩此則夜光
之崑圓明月之璇淵也上軍起韜鈴入領禁衛至尊顯
矣而說劍所存多悲訝慷慨之聲似有所憤蓄而未洩
却推沈阮下察宜有簡兮之嘆乃沃州雁山諸篇趣致

曠遠悠寄情每遊物之外意上軍志在中原時以弭兵
為上策故抱少陵吞吳之恨當節推時事日益搶攘微
仕陸沉有東方金馬之故事在尔昔人有作則以名山
為世守當吾世而不吾知廢幾俟諸異代與木石同壇
多泯泯沒二公不為詩名亦不知求賞于後獨藏之綿
繩：不可知之耳孫以為固其名山也者不已多乎君
侯以著卓異踴神君尤長詞賦千室絃歌直與單父堂
上之聲相和答則君侯是于二集匪直蕢桴蓋已朱絃
而深越矣既畢剗剗之役敬志其自于端

萬曆壬寅仲春建溪魏濬撰



國家圖書館, NATIONAL CENTRAL LIBRARY, TAIWAN, R.O.C.



說劍吟

懷古

我昔遊海上東望三神山風波幾萬里蒼茫雲靄間
龍自掀舞天空日月間神仙渺無跡徐福去不還空餘
蓬萊閣千載留人寰

追和蘓子瞻遊峽山寺韻

山迴寶華閣水遶金鎖灣塵慮頓焉息于茲開我顏
踈鐘日夕動老僧林下還天風吹白雲悠悠滿松關
歸猿

有餘悲月明嘯空山仙人自何來翱翔八極間手把玉
芙蓉吟咲嚼珮環歌罷忽飛去千峰堆翠鬟

赴京

大白樓前雨乍收畫船過鼓上皇州肯因離別牽愁思
要把勲名事壯遊千里關河旗帶月一天星斗劍橫秋
宵中賸有安邊策此去應當獻冕旒

奉天門朝賀

曉日初臨萬歲山寶幢華蓋列朝班九重天上來僊樂
五色雲中識聖顏深殿捲簾香霧裊近臣傳制珮聲還

嵩呼齊祝恩如海散作陽和滿世間

調兵

年少談兵膽氣豪折衝千里豈辭勞旌旂影動秋風肅
鼓角聲回夜月高紅錦裁鞍新試馬黃金裝帶舊懸刀
臨征自信軍容盛五色團花繡戰袍

扈駕

八月秋高戰馬肥觀兵郊外振天威一聲鳳吹迎鸞馭
五色龍文雜袞衣劍戟橫空金氣肅旌旂映日綵雲飛
令嚴星火諸軍奮直斬單于塞上歸

班師

紫塞回鑿雪正晴王師百萬擁連營馬嘶大地山河壯
旂捲長空日月明龍鬚臺高千嶂聳鳳皇城近五雲生
毛顏有喜天心順中外歡聞奏凱聲

登東岳山

海內名山孰與齊清風掖我上丹梯鵬程九萬扶搖近
世界三千指顧低瀑挂天門驚霹靂雨蒸日觀出虹霓
太平會見東封盛玉簡金書煥紫泥

雪夜

漠漠同雲徧海涯曉風寒逼綠窓紗飛揚鱗甲三千界
粧點樓臺百萬家何處妙歌金帳酒誰人清對玉梅花
便應石鼎融冰水烏帽籠頭自煎茶

望岱岳

岱宗東望鬱嵯峨萬丈仙橋鳥外過秦樹千年空老大
澤碑終古不消磨天壇夜靜果星斗石磴春深長薜蘿
記得舊遊曾載酒頽然峰頂放長歌

望澤山

極目東山秀色濃紫霄千葉醉芙蓉題詩尚記仙人洞

飛珮曾過玉女峰樹老孤桐秋露下碑殘古篆暮雲封
何時再醉六門月卧聽清風萬壑松

登彭城樓

巧玉臺上白雲秋亞父墳前草樹稠山色不隨人事改
水色長近戍城流空餘夜月龍神廟無復春風燕子樓
楚漢興亡俱土壤不須懷古重夷猶

戲馬臺

據鞍揮指八千兵昔日中原幾戰爭追鹿已無秦社稷
逝騅方嘆楚歌聲英雄事往人何在寂寞臺空忡自生

回首雲山青蠹蠹黃流依舊遠彭城

夜宿甌社湖

湖光如鏡迥無山耿耿銀河路可攀萬象不移天地外
一塵能到水雲間月明孤嶼森樓閣夜靜飛仙過珮環
借問舌城何處是微微燈火綠楊灣

金陵旅夜

一雨皇都萬象明東風嬌轉上林鶯火烟亭館春多少
鐘鼓樓臺夜幾更枕上故園蝴蝶夢枝頭斜月杜鵑聲
銀牋欲寫長相憶滾滾一流不盡情

過小孤山

八月靈槎濟海門，翠雲臺上醉芳樽。
峰頭樓閣相高下，水底魚龍自吐吞。
萬古青天留玉柱，五更紅日湧金盆。
完造不盡登臨興，欲洗蒼苔頌聖恩。

登翠雲臺

一柱中流亦壯哉，分明世上有蓬萊。
簾開廬阜層層出，船汎岷山滾滾來。
夜冷神龍蟠水府，天青仙珮下瑤臺。
閒將玉管吹明月，勾引翩翩彩鳳回。

遊匡廬山

欲向匡廬觀瀑布，便從彭蠡駛樓船。
一聲長嘯來丹壑，千丈飛流下碧天。
洞裡樓臺無歲月，雲中鷄犬有神仙。
憑誰呼起巢松者，醉擁宮袍對酒眠。

度大庾嶺

鑿破鴻濛一竅通，至今傳說九齡功。
天梁瘴雨垂烟外，洛入炎荒火樹中。
萬里關河瞻北極，兩行旌旆過南雄。
鷓鴣聲裏端陽近，榕樹青青荔子紅。

過峽山寺

峽江江上峽山寺，落日千巒翠作堆。
雲擁半空樓殿出，


天然一幅畫圖開
仙人藥和光
小輝子翻經化樂臺
可我紅塵十馬客
題詩無暇埽蒼苔

登越王臺

海上荒臺艸樹平
登臨不盡古人情
白雲萬里懷親舍
紅日一天望帝宮
百粵山川秋歷落
三城樓閣晚崢嶸
醉來徙倚欄干曲
聽徹西風畫角聲

谷日亭和蘓學士韻

危亭突兀倚青山
坐對扶桑碧海灣
紫霧欵生龍伯廟
洪濤先涌席門關
光搖宇內先生眼
影動闌干酒上顏



國家圖書館, NATIONAL CENTRAL LIBRARY, TAIWAN, R.O.C.

